



Statsforvaltaren i Vestland

Vår dato:

18.02.2026

Vår ref:

2025/8261

Dykkar dato:

12.01.2026

Dykkar ref:

202224744

NORGES VASSDRAGS- OG ENERGIDIREKTORAT
(NVE)
Postboks 5091 Majorstua
0301 OSLO

Saksbehandlar, innvalstelefon

Eyvin Søltnæs, 5764 3135

Fråsegn - justert søknad - Geitelvi kraftverk - Voss

Statsforvaltaren meiner at ny utbyggingsløyising med heile vassvegen i tunnel og kraftstasjon ved fjorden, samla sett vil redusere terrenginngrepa knytt til utbygginga. Vi ventar ikkje at endringa vil få vesentlege negative konsekvensar for naturmiljø. Det bør vurderast om redusert vassføring i fossen nedst mot fjorden kan få konsekvensar for landskapsopplevinga.

Vi viser til høyringa av ny/justert søknad om Geitelvi kraftverk, og til høyringsfråsegna vår til den første konsesjonssøknaden.

Planendringa

Dei nye planane har heile vassvegen i tunnel, til ein kraftstasjon på ein gamal tunneltipp og med avløp direkte i Bolstadfjorden, om lag 250 meter frå elvemunninga. Planlagt 250 meter røyrgate går dermed ut. Den nedste strekninga frå kote 24 vil inngå i utbygginga og vil dermed få redusert vassføringa. Det årlege energiutbyttet vil auke frå 17,3 til 19,3 GWh.

Våre merknader

Ny tunnelloysing vil fjerne behovet for terrenginngrepa knytt til røyrkata som var planlagt nedanfor kote 24 og kraftstasjon i dagen. Kraftstasjon i fjell, vegtilkomst på ei tidlegare fylling, og nedgravne utløpsrøyr til fjorden, ser ut til å føre til avgrensa nye inngrep. Samla sett vurderer vi planendringa som positiv når det gjeld terrenginngrep.

Den nye miljørapporten har vurdert at ny tunnelloysing vil påverke terrestrisk natur i mindre grad enn den tidlegare utbyggingsplanen. For elvenaturen er det vurdert uendra konfliktnivå, sjølv om den påverka elvestrekninga aukar. Nettilknyttinga via kabel i veggrøft vil ikkje få nokon negativ konsekvens. Vi har ikkje innvendingar til desse vurderingane.

Det er opplyst i planendringssøknaden at avløpet skal vere på kote 0, og vi legg då til grunn at vatnet vil kome ut i overflata, om lag som gjennom elva i dag, og ikkje i eit nedsenka utløp. Avløp direkte i fjorden vil påverke marint naturmiljø lokalt, men ut frå den avgrensa vasstilførselen samanlikna med ferskvassmengda frå andre kjelder, reknar vi ikkje med at det vil få konsekvensar for fjorden elles.

E16 kryssar den nedste fossestrekninga, som dermed ikkje er eit heilt upåverka element i fjordlandskapet i dag. Redusert vassføring etter ei utbygging kan redusere opplevingsverdien av

E-postadresse:
sfvlpost@statsforvalteren.no
Sikker melding:
www.statsforvalteren.no/melding

Postadresse:
Njøsavegen 2
6863 Leikanger

Besøksadresse:
Njøsavegen 2, Leikanger
Solheimsgaten 13, Bergen
Fjellvegen 11, Førde

Telefon: 57 64 30 00
www.statsforvalteren.no/vl
Org.nr. 974 760 665



fossen sett frå fjorden ytterlegare. Ut frå søknadsgrunnlaget har vi ikkje noko grunnlag til å vurdere eventuelt konsekvensnivå for fjordlandskapet.

Vi konstaterer at maksimal slukeevne er den same som i den første konsesjonssøknaden, og vi minner derfor om at vi vurderer denne som for høg til å ivareta naturmiljøet i og ved elva. For det nye alternativet kan det òg gjelde for landskapsopplevinga av fossestrekninga ved fjorden.

Med helsing

Mari Hildrum
seniorrådgjevar

Eyvin Søltnæs
seniorrådgjevar

Dokumentet er elektronisk godkjent

Kopi til:

Voss herad
Vestland fylkeskommune

Postboks 145
Postboks 7900

5701
5020

VOSS
BERGEN